

# Guardia Zibilak Antiguatik alde egitea eskatu dute auzotarrek

EA, EH, ELA, LAB eta beste hainbat talderen babesu dute

Eider Goenaga / Donostia

Antiguako Guardia Zibilaren kuartela kentzearen aldeko kanpaina bat jarri dute abian bertoko auzotarrek eta auzoko ELAK, LABek, EHk, EAK, AABek, Elkarrik eta beste hainbat erakundek. Arma-agerian ibiltzea salatu zuten eta auzoan behar handiagoak daudela nabarmendu, atzo eskaini prentsaurrekoan. Dagoeneko 500 sinadura lortu dituztela jakinarazi zuten.

ANTIGUAKO Guardia Zibilaren kuartela eta komandantzia itxi eta «probetxuzko zer-bait» egitea eskatu dute Antiguako Elkarri, EA, ELA, LAB, EH, Haika, AAB eta Antiguar-arrak Elkartek, elkarren artean adostutako testu baten bitartez.

Lau arrazoi mahaigaineratu zituzten horretarako, atzo, talde horietako ordezkariak emandako prentsaurrekoan: «Auzoak behar garrantzitsua- goak dituela, liburutegi bat kasu; arma etengabe bistan ibiltzeak beldurra eta ezine- gona sortzen duela auzokide- engan, batzuk aurretik pasa- tzeke ere ikara izaten baitute; Guardia Zibilak Euskal Herrian egin dituen eta egiten dituen giza eskubideen bor- txaketak; eta gatazkaren konponbidea zapuzteko dagoen indar armatu batek alde egin behar duela».

Hori dela-eta, Antiguako hainbat auzokidek lanari ekin zioten duela 10 hilabete, eta aurretik aipatutako talde- en laguntzarekin hainbat eki- men egin dituzte. Hala, sina- dura bilketa baten bidez 500 auzokide ingururen atxiki- mendua lortu dute, eta 80 bat dendarik ere bat egin dute Guardia Zibilak alde egiteko eskaerarekin. Beste- tik, Antiguan dauden hainbat lantegitako enpresa komitee- kin ere bildu dira, eta jada Gara, Zabaltzen eta Gureak enpresen atxikimendua lortu dute.

Gauzak horrela, aipatu tal- deek manifestazio baterako deia egin dute datorren larunbaterako, ekainaren 3rako. Manifestazioa Anti- guako Benta Berri plazatik irtengo da, arratsaldeko 18:00etan, *Guztien onuraga- tik, Alde Hemendik* lelopean.



Hainbat taldetako ordezkariak aurkeztu zuten atzo ekimena.


## laburrean

### ■ Senta-Gabelako martxan parte hartzeko deia egin dute Abertzaleen Batasunak eta Iparraldeko Berdeek

HELDU den larunbata ekainaren 3an, Euskal Departamen- dua aldarrikatuz Senta-Gabelara (Bordele ondoan), Lionel Jospin Frantziako Lehen Ministroaren herrira egitekoa den martxan parte hartzeko deia egin diote Abertzaleen Batasu- nak eta Berdeek, beren militanteei. ABk agiri baten bidez adierazi zuenez, gobernuburuak orain bost urte hitz eman- dakoa bete dezan galdeginen diote, hauteskunde kanpaina Euskal Departamenduaren aldeko gehiengo bat egonen zelarik bera ere sortzearen alde agertuko zela erran baitzuen Ziburun (Lapurdi). Berdeek, «egun dagoen errealitatea behingoz onartua izan dadin» Senta-Gabelara joatea ezin- bestekotzat jo dute. Ildo beretik ekimenaren antolatzaile den Urriaren 9ko Deiak Hendaia, Baiona, Donibane-Garazi eta Mauletik abiatuko diren autobusez gain, jendearen eskariz Sara, Donapaleu, Donibane-Lohizune eta Ezpeletatik ere autobusak joanen direla jakinarazi du. Izen emateen epea maiatzaren 30ean itxiko da.

### ■ Imaz, Hernandez eta Artze errefuxiatuak Prefeturako batzordearen erantzuna heldu den astean ukanen dute

ITZIAR IMAZ, Andoni Hernandez eta Pili Artze Ipar Euskal Herrian urte luzez bizi eta lan egin duten errefuxiatuek, Administrazioak bertan bizitzeko derrigorrezko paperak ematen ez dizkiela eta Auzitegian salaketa ezarri zuten. Administrazioaren eskaerari erantzunik, herenegun, Pau- ko Prefeturako Erresidentzia Kartaren Batzorde aitzinean izan ziren hirurak. Batzordekideen galderei erantzun eta heldu den astean jasoko dute inolako loturarik sortzen ez duen batzordearen iritzia idatziz. Bestalde, Egoitz Urrutiko- etxea Pauko Dei Auzitegi aitzinean izan zen baita ere ostira- lean behin-behineko askatasun eske. Epaimahaiak heldu den asteartean emanen du erabakiaren berri, defentsako abokatuek azaldu zuten. Urrutikoetxea, Koldo Gorostiaga EHko europarlamentarioaren laguntzailea, polizia bati eraso egiteaz akusatuta espetxeratu zuten.



# aek kanpada

Meñakan ekainaren 2, 3 eta 4an

egitaraua:

## ostirala

**Urgabe**  
Perkusioa eta Malabareak

**Berri Txarrak**  
PLT  
Lin Ton Taun

**Laburmetraiak**

**Bide Ertzean**  
Balerdi- balerdi

## larunbata

**Malabareak, serigrafia,**  
hankapaluak, txalaparta...tailerrak

**Bidaia diaporama:** Jon Arretxe

**Hezitako txakurren erakustaldia**

**Txan magoa**

**Umeentzako berbena**

**Tirri Tarra Show**

**Etsaiak**  
Kashbad  
Ekon

**"Vladimir taldea":** Antzerkia, musika...

**Dj Zule eta Dj Prest**

## igandea

**Txistulariekin diana**  
Eskulangintza erakustaldia

**Dantzariak**

**Bertso trama:**  
Lujanbio, Elortza, Iturriaga,  
Irazu eta Goikoetxea

**Sebastopoleko titiriteroak**

**Herri kirolak**  
Takolo, Pirritx eta Porrotx

**Bazkaria, ondoren Lotxo taldea**

**"Gaurko gazteak" txaranga**  
Haurrentzako tailer eta jolasak

**Kukubiltxo "Txirrikiz" lanarekin**

**Joxe Ripiau**  
Laraindantza

bilbotik ordu erdiro irtengo dira autobusak, ostiral eta larunbatean (arratsaldez) eta igandean (egun osoz)

Laguntzailea: Egunkaria